

Англин олна бурушаллгън

ЛОНДОН, декабрин 1. (ТАСС). Англи деегүр ядерн бомбта американск самолетс нислгъиг англин оln улс бурушадж шалгъджана.

Американск бомбардировщикүд, английск правительствин зөвшял угагъар ядерн селм олзлдж чадш уган туск английск правительствин иткмджинь цяалгъдж келхлярн, парламентин член лейборист Бивен тер иткмджиг „тату биш“ гидж тоолджана.

„Кемрджян бомбс хайгдхла эн самолет англин эс гидж талдан базас ниссиг орсуд меддж чадхий?“ — гидж тер бичджяна. Тиим зөвшял, үлгүрнь испанск правительствля баяну? Кемрджян генерал Франко водородн бомб хайхд эвранны зөвшялэн огхла, эн бомб английск оln амгна хуви г йилгъдж хагълдж чадхий? Араса эвранны хару оглгъна цокуртан, энун тал дэврлгъ кем цуг даяна базсиг эрк биш бомбдх зөвтэ.

Иим эрки чинртэ төрмүдиг, гардвр уга гишнэ американск сул правительств эс гидж талдан государств хагълхиг тесдж болшго. Тер правительствд болн государствд англин правительств ямаран чигн улма болн чинр уга.

Бивен водородн бомбта самолетс Англи деегүр нислгъ уурулхиг некджяна. Парламентин член — лейбористка Барбара Касл, „Санди Пикторизэл“ гидг газетд иигдж бичджяна: Англи болн Америк хойр, даяна ирмэг деер баях метар бийсэн барцхана. Тиим баргтавциг ик гидг аамшгтэ гидж би сандж тоолджанав. Арасала кех күндврэн бурушаджах правительствин уулдвр тоолхла тер нег үлү үнн болджана.

Англин оln улс водородн бомбта самолетс нислгъ бокрахиг шунлтта кевар некх зөвтэ. Бас тедү метар ни-ниингъү баялгъна күндвр эклдж кехиг некх зөвтэ.